

საუკეთესო მოხალისის კონკურსის

დ ე ბ უ ლ ე ბ ა

1. ზოგადი დებულებები

- 1.1 წინამდებარე დებულება განსაზღვრავს წყალტუბოს მუნიციპალიტეტში "წლის საუკეთესო მოხალისე" გამოვლენისა და დაჯილდოების წესს.
- 1.2 კონკურსის მიზანია, მოხალისეობრივი საქმიანობის პოპულარიზაცია, ახალგაზრდების სამოქალაქო ჩართულობის წახალისება და იმ პირთა თუ ჯგუფთა დაფასება, რომელთაც მნიშვნელოვანი წვლილი შეიტანეს წყალტუბოს თემის განვითარებაში.
- 1.3 დაჯილდოება ჩატარდება 12 აგვისტოს, ახალგაზრდობის საერთაშორისო დღისადმი მიძღვნილ ახალგაზრდულ ფესტივალზე.

2. საკონკურსო ნომინაციები

კონკურსი ტარდება 3 ძირითად ნომინაციაში:

- "წლის გარემოსდაცვითი მოხალისე" - მიენიჭება ახალგაზრდას, რომელმაც აქტიური მონაწილეობა მიიღო ეკოლოგიურ აქციებში, დასუფთავებაში, გამწვანებასა ან გარემოსდაცვითი ცნობიერების ამაღლებაში.
- "წლის სოციალური და თემზე ორიენტირებული მოხალისე" - მიენიჭება ახალგაზრდას, რომლის საქმიანობაც მიმართული იყო მოწყვლადი ჯგუფების დახმარებაზე, ქველმოქმედებასა ან ადგილობრივი თემის საჭიროების მოგვარებაზე.
- "წლის კულტურულ-საგანმანათლებლო მოხალისე" - მიენიჭება ახალგაზრდას, რომელმაც წვლილი შეიტანა კულტურული, საგანმანათლებლო, სპორტული ან ახალგაზრდული პროექტების ორგანიზებასა და განხორციელებაში.

3. მონაწილეობის კრიტერიუმები

- 3.1 კონკურსში მონაწილეობა შეუძლია ახალგაზრდებს 14-დან 29 წლამდე.
- 3.2 აპლიკანტი უნდა ცხოვრობდეს, სწავლობდეს და მოხალისეობრივ საქმიანობას ეწეოდეს წყალტუბოს მუნიციპალიტეტის ტერიტორიაზე.
- 3.3 კონკურსში მონაწილეობა არ შეუძლია წყალტუბოს მუნიციპალიტეტის მერის ახალგაზრდული მრჩეველთა საბჭოს წევრებს.

4. განაცხადის წარდგენის წესი და არხები

- 4.1 ნომინირება შესაძლებელია როგორც თვითნომინირებით (საკუთარი თავის წარდგენით), ისე მესამე პირის/ორგანიზაციის მიერ.
- 4.2 განცხადებები მიიღება 27 ივლისიდან 8 აგვისტომდე
- 4.3 განცხადების გაგზავნა/წარდგენა შესაძლებელია შემდეგი არხებით:
 - ელექტრონულ ფოსტაზე: შევსებული აპლიკაციისა და თანდართული მასალების გამოგზავნით მისამართზე: tskaltubosaxalgazrduli1@gmail.com

- **ონლაინ პორტალზე:** განცხადების წარდგენით ელექტრონულ Google Forms-ის ფორმატში, ლინკზე: <https://forms.gle/JwiCvUWZip3N84bC9>

4.4 განცხადება მოიცავს:

- ნომინანტისა და ნომინატორის (ასეთის არსებობის შემთხვევაში) საკონტაქტო ინფორმაციას;
- არჩეულ ნომინაციას;
- სამოტივაციო წერილს/საქმიანობის მოკლე აღწერას;
- დამადასტურებელ მასალას (ფოტო/ვიდეო/სერტიფიკატები, სარეკომენდაციო წერილი ან აქტივობის ბმულები)

5. საკონკურსო კომისია და შეფასების პროცედურა

5.1 განცხადების შეფასებისა და გამარჯვებულის გამოვლენის მიზნით, იქმნება დროებითი საკონკურსო კომისია, რომელსაც ამტკიცებს მუნიციპალიტეტის მერი;

5.2 კომისია შედგება 10-მდე წევრისგან (წყალტუბოს მუნიციპალიტეტის მერის ახალგაზრდული მრჩეველთა საბჭოს, მუნიციპალიტეტის მერიისა და საკრებულოს შემადგენლობით)

5.3 შეფასების პროცესი მიმდინარეობს ორ ეტაპად:

- **I ეტაპი - ტექნიკური გადარჩევა:** კომისიის სამდივნო ამოწმებს განაცხადების შესაბამისობას დორმალურ კრიტერიუმებთან (ასაკი, არეალი, სრულყოფილი დოკუმენტაცია)
- **II ეტაპი - შინაარსობრივი შეფასება:** კომისიის თითოეული წევრი ინდივიდუალურად აფასებს თითოეულ აპლიკანტს წინასწარ დადგენილი ქულათა სისტემით.

5.4 შეფასებების ძირითადი კრიტერიუმებია:

საქმიანობის მასშტაბი და შედეგიანობა (მაქს. 5 ქულა) რა გავლენა იქონია კანდიდატის მიერ განხორციელებულმა მოხალისეობრივმა საქმიანობამ თემზე? რამდენმა ადამიანმა ისარგებლა შედეგით?	
საქმიანობამ მოიცვა დიდი აუდიტორია/მნიშვნელოვანი ცვლილება გამოიწვია თემში (არსებითი გავლენა).	4-5 ქულა
საქმიანობა ადგილობრივი ხასიათისაა, მაგრამ შეზღუდული მასშტაბით.	2-3 ქულა
შედეგები მინიმალურია ან ძნელად შესაფასებელი.	1 ქულა
აქტივობა და ჩართულობის ხარისხი (მაქს. 5 ქულა) რამდენად სისტემატურად და ინტენსიურად იყო ჩართული კანდიდატი ბოლო 1 წლის განმავლობაში მოხალისეობრივ საქმიანობაში?	
რეგულარული, ყოველკვირეული/ყოველთვიური და ჩართულობა მოხალისეობრივ აქტივობაში.	4-5 ქულა
ეპიზოდური ან ერთჯერადი მონაწილეობა კონკრეტულ აქციებში.	2-3 ქულა
მცირედი და ზედაპირული ჩართულობა.	1 ქულა

ინოვაციურობა და კრეატიულობა (მაქს. 5 ქულა) გამოიყენა თუ არა კანდიდატმა ახალი იდეები, ორიგინალური მიდგომები ან ციფრული ინსტრუმენტები პრობლემების მოსაგვარებლად?	
სრულიად ორიგინალური, ინოვაციური მიდგომა, რომელიც პირველად დაინერგა თემში.	4-5 ქულა
სტანდარტული, უკვე არსებული პრაქტიკების გამოყენება.	2-3 ქულა
ინოვაციური ელემენტები სრულიად არ იკვეთება.	1 ქულა
მოტივაცია და სოციალური პასუხისმგებლობა (მაქს. 5 ქულა) როგორ ჩანს კანდიდატის სამოტივაციო წერილიდან და საქმიანობიდან მისი შინაგანი მზაობა, წვლილი შეიტანოს საზოგადოების განვითარებაში?	
მაღალი სამოქალაქო ცნობიერება, ძლიერი შინაგანი მოტივაცია და ლიდერული თვისებები.	4-5 ქულა
ზომიერი ინტერესი მოხალისეობრივი საქმის მიმართ.	2-3 ქულა
სამოტივაციო ნაწილი სუსტია და არაა დამაჯერებელი.	1 ქულა
დოკუმენტაცია და მტკიცებულებების სიზუსტე (მაქს. 5 ქულა) როგორ ფასდება წარმოდგენილი მასალები (ფოტო/ვიდეო, სერტიფიკატები, რეკომენდაციები)?	
სრულყოფილი, მაღალი ხარისხის მტკიცებულებები, რომლებიც მკაფიოდ ადასტურებს აღწერილ აქტივობებს.	4-5 ქულა
ზოგადი ხასიათის მტკიცებულებები, ნაკლები ვიზუალური ან წერილობითი დასტურით.	2-3 ქულა
დოკუმენტაცია ძალზე მწირია ან თითქმის არ არის წარმოდგენილი.	1 ქულა

- 5.5 გამარჯვებულად გამოვლინდება ის აპლიკანტი, რომელიც შესაბამის ნომინაციაში დააგროვებს კომისიის წევრთა შეფასებების ყველაზე მაღალ საშუალო ქულას.
- 5.6 თანაბარი ქულების დაგროვების შემთხვევაში, საბოლოო გადაწყვეტილებას იღებს კომისიის თავმჯდომარე.
- 5.7 კომისიის ოქმი და გადაწყვეტილება არის საბოლოო და გასაჩივრებას არ ექვემდებარება.